

هل لصلاة الجمعة سنة قبلية | للشيخ الحويني

أبو إسحاق الحويني

ما نقدرش نعملها. لان الامام ما لكا رحمه الله قال في الحاجات اللي بتحصل زي دي ما لم يكن يومئذ دينا فلا يكون اليوم دينا احنا مش هنخترع اللي ما كانش دين ايام النبي ما يبقاش دين ايامين - [00:00:01](#)

ما لم يكن يومئذ دينا فلا يكون اليوم دينا. النهاردة مسلا بعد الاذان الثاني بعد الايام الاولاني انا بشوف كتير من الناس بيقوموا يصلوا ركعتين لا اصل لها لا اصل لها. ما فيش حاجة اسمها سنة الجمعة القبلية - [00:00:20](#)

الجمعة السنة بتاعتها بعدية. معروفة اربع ركعات. اللي عايز يصلي الجمعة من كان مصليا منكم بعد الجمعة فليصلي اربعا. كلام النبي عليه الصلاة سلام لكن اول ما تدخل المسجد بتصلي ركعتين تحية المسجد وتقع ما تقومش ثاني - [00:00:42](#)

يدن الاذان تقوم ثاني بدعة فواحد يقول لك يا اخي طب ابن مسعود كان بيصلي قبل الجمعة تمان ركعات اقول لك ما فيش مانع من اول ما تدخل تفضل تصلي لحد ما الخطيب يطلع. لكن تصلي وتقع ويدن الاذان تقوم تصلي ثاني هي دي البدعة بقى - [00:01:01](#)
ما فيش مانع تصلي من ساعة ما تدخل الجامع. افضل صل لحد ما الامام يقول السلام عليكم ورحمة الله افضل صل براحتك لكن تصلي ركعتين وتقوم قاعد ولما يدن الاذان تصلي ركعتين كمان الكلام ده لا يجوز. بدعة ما كانش الكلام ده على ايام النبي صلى الله عليه وسلم. اذا البدعة - [00:01:23](#)

هي تشريع ما لم يأذن به الله ورسوله يبقى انت كالك بتعبد ربنا بشرع خالص بعيد خالص عن شرع النبي. ما هو ده معنى البدعة هذا هو معنى الايه؟ معنى البدعة. ما هو احنا عشان واحد جه واحد يقول لي ايه البدعة يا اخي ايه دليل التحريم يا اخي - [00:01:42](#)

اقول لك لأ الدليل المطالب بالدليل اللي بيعمل الحاجة. انت قمت تصلي فانت المطالب بالدليل ها؟ الفاعل هو المطالب بالايه؟ مطالب بدليل مطالب باثبات لماذا تفعل هذا والنبي صلى الله عليه وسلم يقول كان يقول الا ان كل محدثة بدعة - [00:02:04](#)
وكل بدعة ضلالة وكل ضلالة في النار وكان يقول اياكم ومحدثات الامور وكان يقول كل عمل ليس عليه امرنا فهو رد. مردود على صاحبه عشان كده الاتباع بقى قل ان كنتم تحبون الله فاتبعوني - [00:02:27](#)

يحببكم الله. اهي دي الثمرة العظيمة جدا اللي احنا هناخدوها. يبقى الاتباع يجيب الحب. الاتباع الاول الحب هو ثمرة الايه؟ ثمرة الاتباع. لا اتصور ابدًا حبا يخالف حتى لو كان هذا الفعل على هوى نفسه - [00:02:52](#)
انت بتحسب تعمل كده. بس الرسول صلى الله عليه وسلم يا اخي قال لك لأ. يعني انا دلوقتي عايز ارفع رجلي سؤال. حد قال لك ارفع رجلك ده تشبيه يعني حاجة مسل يعني - [00:03:18](#)

حد قال لي عايز تعمل اي عبادة من العبادات. مأذون لك اولًا ولا لأ؟ مأذون. مين اللي اذن لك؟ وفي دليل الاذن ده احنا بنعمل الكلام ده في حياتنا العادية. تروح تقول لواحد انا عايز ابيع الارض الفلانية. يقول لي معك توكيل - [00:03:35](#)
دليل يعني انك انت حر التصرف في مال فلان. ايوة معي توكيل اتفضل. لو فيه اي خدش ها الختم مش باين اعرض كوباية وقام خاتم بهم ولا مش عارف اي حاجة يقول لك لأ - [00:03:57](#)

اي خدش يقول لك لابد من دليل اثبات انك انت لك مطلق التصرف في مال فلان او حياة فلان او الكلام ده ما هي العبادة كده شف الفرق بين العبادة وبين المباحات. الاصل في العبادات احفظوا القاعدة دي زي قل هو الله احد كده - [00:04:10](#)
لأنها هتنتجينا من كثير من المخالفات الاصل في العبادات المنع حتى يرد دليل بالاذن والاصل في الاشياء الاباحة حتى يرد دليل بالمنع

